



COLEXIO DE XEÓGRAFOS

Delegación Galega do Colexio de Xeógrafos

**MEMORIA DE ACTIVIDADES DA
DELEGACIÓN GALEGA DO
COLEXIO DE XEÓGRAFOS**

2016



I. ÁREA DE XESTIÓN

1. Colexición

Como podemos ver no seguinte cadro, durante 2016 o ritmo de colexións segue baixo, e houbo só 3 novos ingresos.

Ano	Número de colexións
2001	34
2002	3
2003	6
2004	12
2005	6
2006	3
2007	2
2008	6
2009	5
2010	2
2011	6
2012	8
2013	7
2014	5
2015	7
2016	3

O perfil das novas colexións de 2016 é de persoas novas, que obtiveron o título recentemente.

Como en anos precedentes reiteramos que debido á situación xeral de crise e desemprego, á nova normativa que afecta aos colexios profesionais e á falta de visibilidade da nosa profesión, dentro e fóra dela, motivan este ritmo de incremento tan lento.

Dende o punto de vista das baixas este ano houbo 3, motivadas, sobre todo por causas económicas e situacións de desemprego.

Polo tanto o balance de 2016 dá un total de 58 colexiados e colexiadas na Delegación Galega, ao igual ca no ano anterior.

Por outra banda, de cara a promover a nosa profesión mantivéronse xuntanzas co alumnado de Xeografía da Facultade, así como alumnado de E.S.O. ofrecéndolles a oportunidade, en colaboración co Departamento de Xeografía, de facer unha visita guiada pola Facultade co fin de ver como se traballa, ver os laboratorios, equipamentos, a estación meteorolóxica etc.



2. Xestión administrativa

A xestión administrativa en 2016 continuou sendo asumida polos membros da Xunta territorial, sen contar con ningún persoal de apoio. Esta situación produce limitacións no relativo á axilidade e capacidade de traballo.

En todo caso, estase a cumprir coas demandas das persoas colexiadas e se adoita resolver as consultas e trámites nun prazo reducido de tempo.

3. Relacións co Colexio Estatal

Un membro da Xunta de Goberno asistiu á xuntanza anual de coordinación organizada desde a sede central do Colexio, así como á asemblea estatal.

Dende o punto de vista económico, e debido a que o Colexio é unha única persoa xurídica, dende a Delegación enviouse á tesouraría estatal toda a información e documentos de carácter financeiro necesarios para a correcta xustificación económica.

Neste senso, en 2016 implantouse un novo sistema de control económico, con envíos mensuais da documentación xerada.

Pola súa parte, a Tesouraría central mellorou o seu funcionamento e realizou pagamentos trimestrais da parte da cota colexial que xestiona directamente a Delegación.

4. Funcionamento interno da Delegación

O día 10 de maio de 2016 celebrouse a asemblea ordinaria da Delegación, no local do IDEGA, no Campus Sur da USC, na cidade de Santiago de Compostela.

O atraso na realización da asemblea foi debido á celebración das eleccións estatais do Colexio, que provocaron o adiamento das asembleas territoriais e xeral.

A asistencia foi reducida, como vén sendo habitual, e foron aprobados os documentos que indican os textos regulamentarios (conta de 2015, orzamento de 2016, memoria de actividades de 2015 e proposta de actuacións para 2016).

5. Informe de xestión económica

A Delegación xestiona o seu propio orzamento, con base ós ingresos que a tesouraría estatal transfere ás delegacións.

Durante o ano 2016 a xestión da tesouraría aplicou o protocolo de xestión existente, recepcionando facturas e gastos, facendo os pagamentos por medio de transferencias de banca electrónica, e enviando toda a documentación xustificativa á tesouraría estatal.

O resultado da conta do ano 2016 da Delegación é o seguinte:



Delegación Galega do Colexio de Xeógrafos

Ingresos	2016
01 Ingresos por cotas transferidas	4.110,69 €
02 Xuros recibidos pola CCC	- €
03 Ingresos por formación	870,00 €
04 Subvencións e convenios	- €
05 Visado	- €
06 Taxas por certificados	- €
07 Ingresos por venda de material divulgativo	- €
08 Patrocinios	- €
09 Remanente de caixa	- €
TOTAL INGRESOS	4.980,69 €

Gastos	2016
01 Publicacións	- €
011 Folletos	- €
Cursos e	
02 Formación	540,00 €
021 Relatores - Docentes	540,00 €
022 Publicidade	- €
023 Bolsas a alumnos/as	- €
03 Páxina Web	30,25 €
031 Mantemento da páxina web	- €
032 Cota dominio xeografos.org	30,25 €
04 Gastos de local	- €
041 Alugueiro	- €
05 Publicidade e Patrocinio	1.156,88 €
051 Día da Xeografía	- €
052 Congresos	200,00 €
053 Olimpíada de Xeografía	956,88 €
06 Material de secretaria, correos, subministros etc.	3,45 €
061 Material membretado (sobres, folios, carimbo...)	- €
062 Teléfono	- €
063 Material oficina, correos, etc.	3,45 €
07 Gastos derivados da asemblea	- €
071 Bebidas e alimentación	- €
08 Xuntas de Goberno	414,12 €
081 Xuntas de Delegación-Gastos custos	- €
082 Xuntas estatais-Gastos viaxe, alox.	414,12 €
09 Despraz. e actos de representación	- €
091 Gastos de custos	- €
10 Costes bancarios	31,40 €
101 Comisións de mantemento	29,00 €
102 Comisións de transferencias	2,40 €
11 Visado	- €
111 Remuneración do visador/a	- €
12 Outros gastos	62,19 €
121 Apartado de Correos	62,19 €
TOTAL GASTOS	2.238,29 €



20	RESULTADO NETO CONTABLE	2.742,40 €
21	RESULTADO NETO LÍQUIDO	2.742,40 €

En definitiva, as contas anuais presentan un superávit de 2.742,40 euros.

Por outra banda, cómpre salientar que a Delegación Galega do Colexio de Xeógrafos non presenta gastos de persoal xa que non conta con persoal propio contratado.

Asemade os membros da Xunta de Goberno da Delegación non recibiron ningunha retribución en razón ó seu cargo.

Si hai unha partida dedicada á compensación polos gastos asumidos polos membros da Xunta de Goberno con motivo de viaxes e desprazamentos. Neste senso aplícase a normativa vixente sobre gastos de locomoción, manutención e estadias.

No apartado de ingresos debemos referirnos ás cotas colexiais. Presentamos de seguido as cotas vixentes no ano 2016:

Concepto	Total	Cobro	Parcial	Impostos	Observacións
Cota ordinaria	120,00€	Trimestral	30,00€		
Cota xente nova (4 anos titulación)	60,00€	Trimestral	15,00€		
Cota parado/a (acreditación 1 ano de desemprego)	60,00€	Trimestral	15,00€		
Cota xubilado/a	20,00€	Anual	20,00€		
Cota precolexiado (a partir de 2º grao)	20,00€	Anual	20,00€		
Cota precolexiado/a FAJG	1,00€	Anual	1,00€		Asociación con convenio
Gastos devolución de recibos de cotas	3,00€	Recibo	3,00 €		
Expedición de certificados e declaracións	5,00€	Certificado	5,00 €	máis IVE	Agás certificado de colexiación e RSP
Inscripción no rexistro de Sociedades profesionais	120,00€	Inscripción	120,00€	máis IVE	
Modificación da inscrición no rexistro de sociedades profesionais	20,00€	Modificación	20,00 €	máis IVE	
Visado de proxectos	100,00€	Visado	100,00€	máis IVE	
Recoñecemento de sinatura en proxectos profesionais	35,00€	Recoñecemento	35,00 €	máis IVE	

6. Informe de procedementos sancionadores

Durante o ano 2016 a Delegación Galega do Colexio de Xeógrafos non iniciou nin resolveu ningún procedemento sancionador.



7. Informe de queixas e suxestións

No ano 2016 non se recibiron queixas nin suxestións por parte de consumidores ou persoas externas ó Colexio.

En relación ós colexiados e colexiadas da Delegación, recibíuse unha queixa no mes de setembro en relación ás dificultades da nosa profesión no mercado laboral e a necesidade de maior implicación do Colexio. Esta queixa foi contestada, explicando cal é o labor do Colexio neste ámbito e nomeadamente do servizo de defensa da profesión.

8. Informe deontolóxico

O Colexio de Xeógrafos dotouse en 2013 dun Código deontolóxico do exercicio da profesión, de aplicación en todo o Estado.

Este código tamén é aplicable en Galicia, e é o que rexe as actuacións dos membros da Xunta de Goberno da Delegación.

Así, os membros da Xunta de Goberno da Delegación Galega actuaron consonte a normativa vixente, nomeadamente no referente ós colexios profesionais, e á xestión de entidades de dereito público.

Neste senso, tamén se aplica a normativa de incompatibilidades e de contratación, e durante o ano non se produciu ningún procedemento nin toma de decisións na que existise conflitos de intereses.

II. ÁREA DE SERVIZOS

9. Emprego e defensa da capacidade profesional

Malia a crise e o difícil panorama laboral, ó longo de 2016 informouse aos colexiados/as, principalmente por medio do correo electrónico, daquelas convocatorias de prazas vacantes das Administracións e outras ofertas das que tivemos coñecemento, boa parte delas no estranxeiro.

Ademais, houbo solicitudes de información e consultas de colexiados sobre conflitos laborais ou dúbidas sobre a nosa capacidade profesional nalgúns eidos.

Estas consultas foron contestadas directamente, ou foron derivadas ós servizos xurídicos colexiais, para tentar darlles unha saída mesmo procesual ao asunto.

Tamén houbo unha demanda de titoración por parte dun colexiado que estaba a realizar un curso.

10. Caixa de correo electrónico e teléfono da Delegación

A caixa de correos recibe habitualmente mensaxes informativas principalmente, de actividades formativas, que envían empresas, entidades e organismos relacionados coa xeografía.



Igualmente, serve para que os Colexiados/as fagan as súas consultas, do mesmo xeito que outros xeógrafos/as ou xente interesada en temas xeográficos. A maioría dos temas consultados están relacionados coa defensa profesional, a situación dos xeógrafos/as no mercado laboral, e coa solicitude de documentos ou servizos do Colexio.

Contestáronse todos os correos no prazo de tempo máis curto posible.

Ademais, a Delegación conta cun teléfono propio, que adoita administrar o tesoureiro territorial, no cal foron recibidas chamadas de Colexiados/as ou de entidades, con temáticas similares ás indicadas no caso da caixa de correos.

11. Visado

Por mor dos cambios normativos que fan innecesario o visado en moitos casos, e pola crise económica xeral, no ano 2016 non se visou ningún proxecto no ámbito da nosa Delegación.

12. Peritaxe:

Os membros do Colexio teñen a potestade para actuaren como peritos ou peritas xudiciais, sexa por demanda de parte ou do propio xulgado.

Consonte a normativa vixente, os Colexios profesionais deben presentar a comezos do ano unha listaxe cos Colexiadas e Colexiados que amosaron a súa predisposición a seren peritos/as.

Polo tanto fíxose unha convocatoria para que quen o desexar puidese anotarse na listaxe de peritaxes xudiciais, e posteriormente enviouse ós órganos xurisdiccionais de Galicia.

A convocatoria para 2017 fíxose no mes de novembro de 2016, para poder enviar a listaxe ós xulgados a finais de decembro. A listaxe de peritos e peritas xudiciais en Galicia está formada por 4 persoas.

III. ÁREA DE FORMACIÓN

13. Organización de actividades formativas

A Delegación galega, en colaboración coa empresa Tysdal, organizou a comezos de 2016 un Curso de Introducción práctica aos SIX (QGIS), outro de Aplicación dos SIG á ordenación do territorio e o urbanismo (QGIS), e un terceiro de Aplicación práctica dos SIG aos estudos medio ambientais e paisaxísticos (QGIS) na modalidade on-line.

A Delegación galega tamén participou na organización dun Curso de Análise Espacial Urbana, que foi impartido no mes de febreiro polo profesor Carlos Rizzi.



IV. ÁREA DE COMUNICACIÓN E REDES

14. Boletín Electrónico da Delegación Galega

De cara a facer do correo electrónico unha ferramenta áxil e eficaz, a información de interese para o colectivo enviouse en correos co formato do “Colexio de Xeógrafos Informa”.

Por esta vía, malia o importante descenso no número de convocatorias de concursos e de emprego público, enviáronse informacións relacionadas con licitacións da Administracións públicas, emprego, exposición de normas e documentos, congresos e prazas de docente ou de investigador en diferentes universidades españolas e internacionais.

En total enviáronse 20 correos informativos.

15. Páxina web da Delegación

Debido a un ataque informático a web da Delegación Galega do Colexio, que tamén afectou á web nacional, esta permaneceu inactiva a maior parte do ano.

16. Mantemento do Facebook da Delegación

Continuamos a manter activo o Facebook do colexio, publicando novas relativas á profesión, ofertas de traballo para xeógrafos, e difundindo as actividades organizadas desde a Delegación.

V. ÁREA DE PROXECCIÓN SOCIAL

17. Representación en órganos colexiais externos

Durante 2016 o Colexio seguiu contando cun colexiado como representante do Colexio perante o GDR As Mariñas-Betanzos.

Desde a Delegación Galega do Colexio de Xeógrafos colaborouse na organización dos actos en Santiago do Ano Internacional do Entendemento Global (IYGU), tamén chamado Ano Internacional da Xeografía e impulsado pola Unesco a escala mundial, que se celebraou en 2016. O Centro Rexional do IYGU será coordinado por María José Piñeira Mantiñán, a Presidenta da Delegación, en colaboración con outros profesores da USC.

Esta colaboración estendeuse á Coordinadora Galega das Escolas UNESCO, que tamén están interesadas en organizar actos co Colexio no marco do IYGU.



18. Presenza institucional: Olimpíadas de Xeografía

Organizáronse en Santiago de Compostela as Olimpíadas Galegas de Xeografía.

No mes de xaneiro fíxose a difusión do evento, principalmente entre os centros de ensino secundario de toda Galicia.

E a proba tivo lugar o 4 de marzo de 2016 na Facultade de Xeografía, coa participación de alumnos de 2º bacharelato de varios institutos galegos.

Asemade, os gañadores da fase local foron acompañados á fase estatal, celebrada en Salamanca.

Santiago de Compostela, febreiro de 2016

Delegación Territorial de Galicia do Colexio de Xeógrafos